



**Nicolai Cavssini Trecensis E Societate Iesv, De Eloquentia  
Sacra Et Hvmana**

**Caussin, Nicolas**

**Coloniae Agrippinae, 1626**

Sextus per digreßionem. Capvt XIV.

---

[urn:nbn:de:hbz:466:1-68724](#)

postremo, ut odor Apronij teterimus oris & corporis, quem (ut arunt) ne bestiae quidem ferre possent, vni isti suavis & iucundus videretur. Ille erat in tribunali proximus, in cubiculo socius, in conuiuio dominus; ac tum maxime cum acumbeante pretextato praetoris filio, in conuiuio saltare nudus coepit. Sed haec nos copiosissime libro vnde dicimus.

## Sextus per digressionem.

## CAPUT XIV.

**S**uperioribus est affinis, quam Graci appellant. Ea est, definitore Quintiano, alicuius rei, sed ad utilitatem causae pertinentia, extra ordinem excurrens tractatio. Adhibetur autem vel laudandi gratias, qualis est apud M. Tullium pro L. Cornelio popularis illa virtutum Cn. Pompei commemoratio, in quam ille diuinus orator, nam Fabij verbis utar, veluti nomine ipso ducis, cursus dicendi teneretur, abrupto quem inhibuerat sermone, diuertit: sicut vituperandi, aut ornandi, aut delectandi, aut praeparandi. Sumuntur autem ex iisdem sermone locis, quos modo retulimus, ab expositione rerum gestarum, à descriptione locorum, regionum, personaarum; item à tractatione fabularum, apologorum. Præterea à locis communibus, quoties amplificandæ rei gratia, in gloriam, in luxuriam, libidinem, avaritiam, turpem amorem, tyrannidem, iram ac reliqua via dicimus, atque his, causa velut aliquantis per omisa, diutius immoramus: aut contra quoties frugalitatem, liberalitatem, continentiam, studia literarum, pietatem, taciturnitatem laudibus efferrimus. Hiantum momenti habent ad copiosè dicendum, ut clari aliquot authores eos ex professo tractauerint. *Xp̄iā* appellant. Sunt & illi loci communes his non dissimiles, quoties libertatis commoda ponimus ante oculos, contra securitatis incommoda, mutabilitatem fortunæ, mortis aquam, omnibus necessitatibus, quantum valeat pecunia in rebus mortalium, vita humana breuitateni, atque id genus alia innumera describimus. Postò longius immorari licebit excursionibus, vel in inicio dictioris, quas illa Herculis Gallici, apud Lucianum, & Lamiarum aī ud Politianum descriptio; vel in fine, quo iam fessus

recreetur auditor, quemadmodum in Georg. fere facit Virgilij. In medio, si quando digredi libebit, celerius eō redeūdun, vnde digressus sis, nisi pars cauæ iam absoluta digressionis ansam præbebit; veluti post narratione causam, qua ad securitatem argumentationem auditor reddatur alacrior, aut post probationem, sive omnino post locos in amoeniores, quo ræsum subtilitatis discutatur; aut nisi res ipsa locos huiusmodi suapte sponte offratur, qui inuitent ad diutius immorandum.

Nota hanc amplificationem prudenter esse tractandam, nec temere, vbi mulra & necessaria in proprijs argumentis supponunt, ad alia digredendum.

## Septimus per gradationem.

## CAPUT XV.

**F**it, vt, facinus est vincere ciuem Romanum, scelus verberare, necare; quid dicam in crucem tollere. Verbo satis digno tam nefaria res appellari nullo modo potest. Ad hoc genus pertinet & illud, cum congestis ordine quodam circumstantijs in contextu & cursu semper aliquid priore maius insequitur. Huius exemplum est in secunda Ciceronis Philippica de domini Anthonij. O rem non modo visu fœdam, sed etiam auditu. Sic inter cœnam in tuis immanibus illis poculis, hoc tibi accidisset, quis non turpe ducere? In cœtu vero populi Romani negotium publicum gerens, Magister equitum, cui ructare turpe esset, is fruitis esculentis, vinum redolentibus gremium suum & totum tribunal implevit. Hic singula voces incrementum habent. Et enim per se deformes fuerat, vel non in cœtu vomere, in cœtu etiam non populi, etiam non Romani, vel si nullum negotium gereret, vel si non publicum, vel si non magister equitū. Haec si quis diuidat, ac circa singulos gradus immoretur, augabit quidem orationis copiā, tamen minus efficaciter amplificabit.

## Octauus per comparationem.

## CAPUT XVI.

**F**it comparatio vel fictione, vel exempli collatione. Fictione, quam *in opere vocant*, ut in prima parte exempli, quod modo resu-

Dd 3 limus